

# Хойр бийин бөөдлийг өөрдүүлхин төлө СССР зүткджана

БУХАРЕСТ. (ТАСС). Гентки дэврилгьиг урдаснь сагдз заалгьна туск төрөр СССР-н Министрмүдин Советин Ахлач Н. С. Хрущев США-н президент Д. Эйзенхауэрт июлин 2-т илгасн бичиг, Советин Союзин төвкнүн бөөдлийн шин болн чинртэ седвэр гидж „Скынтейя“ газет цөөдгьдженэ.

Гентки дэврилгьиг урдаснь сагдз заалгьна төр урднь чигн кесг сергэгдлэ гидж цөөдгьврт келгддженэ. Болвчн өдгэ цагт, ядери бомбс ачсн американск самолетс аамшгтэ нислгь кеджэх цагт, эн төрөр күүндвр келгьн, урдкасн ик кергтэ, чинртэ болджана.

Советск правительств эврәннь илгэвртэн, урднь эн туст западн орн-нутгудин тэвсн төриг бас тоолджана гидж газет темдгдженэ. Хойр бийин бөөдл өөрдхд болн зөвшөл келдлгьнд эрки кергтэ шин ишкдл советск правительств кедженэ.

Советск Союзин тэвджэх төриг западн государственн правительствс дөнхнхиг, төвкнүн бөөдхдэн дурта күүмн-амтн некдженэ. Хойр бийин чидлийг негдүүлхлэ, өөдэн кемджэнд совещань келгьнүр, нарт кэ хоорндк чинртэ бөөдл сулдлгьнур өргн хаалгь секгдхнь магьд уга гидж газет сүүлднь бичдженэ.